



MEMORIA XUSTIFICATIVA DO CONVENIO DE COLABORACIÓN ENTRE A CONSELLERÍA DE PRESIDENCIA, XUSTIZA E DEPORTES E O CONCELLO DE OROSO PARA A EXECUCIÓN DAS OBRAS DE TAPADO DE FOCHANCAS E REPARACIÓN E MELLORA DO FIRME DAS ESTRADAS MAIS AFECTADAS DO MUNICIPIO

I. Departamento que tramita o convenio

A Consellería de Presidencia, Xustiza e Deportes é o departamento ao que lle corresponde a elaboración, proposta e execución da política do Goberno galego en materia de Administración local, de conformidade co previsto no Decreto 136/2024, do 20 de maio, polo que se establece a estrutura orgánica da Consellería de Presidencia, Xustiza e Deportes (DOG núm. 101 do 27 de maio).

II. Antecedentes

A Xunta de Galicia, a través da Consellería de Presidencia, Xustiza e Deportes, ten previsto asinar un convenio de cooperación co Concello de Oroso para a execución das obras de reparación e mellora do firme das estradas mais afectadas do municipio.

Os artigos 194 e 195 da Lei 5/1997, do 22 de xullo, de administración local de Galicia (en adiante LALGA), establecen que, no que atinxe ás relacións coas entidades locais galegas, correspóndenlle á Xunta de Galicia ás competencias de cooperación e colaboración, podéndose estas materializarse mediante a subscrición de convenios.

Segundo dispoñen os artigos 25 e 26.1 da Lei 7/1985, do 2 de abril, reguladora das bases do réxime local, e 80 e 81 da LALGA, os concellos deberán prestar á súa cidadanía os servizos públicos que contribúan a satisfacer as necesidades e aspiracións da veciñanza, entre os que se atopan a pavimentación das vías públicas urbanas e a conservación de camiños e vías rurais.

O Concello de Oroso manifestou a necesidade de asistencia por parte da Consellería de Presidencia, Xustiza e Deportes para a acometer o proxecto das obras de reparación e mellora do firme das estradas mais afectadas do municipio, debido a que o termo municipal sufriu condicións meteorolóxicas adversas continuadas, caracterizadas por intensas precipitacións e cambios bruscos na temperatura. A consecuencia desta climatoloxía foi o deterioro estrutural na capa de rodaxe en diversas estradas de titularidade municipal, provocando a aparición de numerosas fochancas, gretas e deformacións na calzada.





Na actualidade, o estado destas estradas obxecto do convenio, supón un risco evidente para a seguridade viaria, incrementa a probabilidade de accidentes e danos nos vehículos, ademais de dificultar a mobilidade fluída da veciñanza.

Todos estes factores recomentan as actuacións previstas, as cales redundan en calquera caso no beneficio da seguridade e comodidade dos usuarios.

A contratación de ditas obras levarase a cabo a través do acordo marco de OBRAS DE BACHEO DE VÍAS CAMINOS Y CARRETERAS MUNICIPALES (expediente 2023/C003/000001) que esta en vigor no concello

A urxencia desta actuación xustifica plenamente a cooperación administrativa. Dado que o concello de Oroso conta con recursos orzamentarios limitados para asumir a totalidade do custe derivado destes imprevistos climáticos, o apoio da Xunta de Galicia é indispensable para salvagardar o interese público, garantir a seguridade cidadá e manter as infraestruturas nun bo estado de conservación.

De acordo co exposto, coa dita actuación mellóranse considerablemente as condicións de seguridade da vía, para viandantes como para tráfico rodado, acadando uns accesos cómodos, funcionais e axeitados para os usuarios, tratándose polo tanto dunha actuación xustificada polo interese público.

III. Finalidade

O obxectivo común é mellorar as infraestruturas municipais, de forma que o concello poida prestar servizos de calidade á veciñanza.

Para os efectos sinalados, tense previsto formalizar co Concello de Oroso o instrumento convencional a que se refire a presente memoria, cunha duración que abrangue dende a súa sinatura ata o 31 de decembro de 2026.

IV. Obxecto do convenio

O obxecto do presente convenio é establecer as liñas de colaboración entre a Consellería de Presidencia, Xustiza e Deportes e o Concello de Oroso para a execución das obras de tapado de fochancas, reparación e mellora do firme das estradas mais afectadas do municipio, garantindo así a restitución das condicións óptimas de seguridade e comodidade para o tráfico rodado, segundo o orzamento total previsto na folia de encargo núm. 4 que deriva do acordo marco de "Obras de bacheo de camiños e estradas municipais", de acordo co prego de prescricións administrativas que regula o acordo marco para a contratación de "Obras de bacheo de vías, camiños e estradas municipais (nº expediente 2023/C003/000001). Xuntase como anexo I a este convenio o orzamento e unidades de obra que constan na a folia do encargo núm. 4, do cal forma parte. O orzamento total ascende á cantidade de 50.000 € (IVE incluído).





V. Fundamentos do convenio

O Concello de Oroso manifestou a necesidade de asistencia por parte da Consellería de Presidencia, Xustiza e Deportes para a acometer a execución das obras de tapado de fochancas, reparación e mellora do firme das estradas mais afectadas do municipio, garantindo así a restitución das condicións óptimas de seguridade e comodidade para o tráfico rodado.

A solicitude fundaméntase na necesidade de atender o mal estado de conservación que presenta o viario municipal.

Así pois, este convenio de colaboración responde ao interese público e social que representa a acción de fomento da Consellería de Presidencia, Xustiza e Deportes respecto da execución dunhas actuacións necesarias para o normal funcionamento da entidade local, que lle permitan exercer as competencias e prestar os servizos que a normativa básica en materia de réxime local lles atribúe aos concellos, como Administración máis próxima aos administrados.

A conxuntura descrita, a necesidade de asistencia manifestada polo Concello e o obxectivo da actuación, así como a existencia de crédito adecuado e suficiente para a súa aplicación eficaz no restablecemento dos servizos municipais sobre os cales se actuará a través do convenio que se pretende subscribir, acreditan a existencia de razóns de interese público que xustifican o feito de recorrer ao procedemento excepcional de concesión directa dunha subvención a favor do Concello de Oroso.

Así mesmo, esta actuación resulta de interese para a Xunta de Galicia polo que supón de potenciación e apoio á prestación de servizos por parte dos concellos, como Administración mais próxima aos administrados.

Conforme co establecido no artigo 26.2º da Lei 9/2007, do 13 de xuño, de subvencións de Galicia, faise constar que neste convenio non son de aplicación os principios de publicidade e concorrência pública, xa que o obxecto do convenio é atender as circunstancias específicas dese concello para a mellora das infraestruturas municipais.

Incorpórase ao expediente declaración xustificando a imposibilidade de promover a concorrência pública, de acordo co establecido no citado artigo 26.2º.

VI. Actuación da subvención:

As actuacións consistentes na mellora do firme nos viarios de titularidade municipal en Oroso, comprenden as seguintes intervencións:





- Tapado de fochancas das estradas con rego asfáltico. Subministro, posta en obra, estendido e compactado de grava de 40/80 mm, rego semiprofundo, rego superficial e rego de selado.
- Tapado de fochancas das estradas con aglomerado. Subministro, posta en obra, estendido e compactado de grava de 40/80 mm, rego semiprofundo, rego imprimación e mestura bituminosa en quente da capa de rodaxe.

VII. Importe e aplicación orzamentaria

Para dar cumprimento aos obxectivos deste convenio a Consellería de Presidencia, Xustiza e Deportes, a través da Secretaria Xeral Técnica, alcanzará a cantidade máxima cantidade de **cincuenta mil euros (50.000 €, IVE incluído)**, con cargo á aplicación orzamentaria 05.01.121A.760.0 (código de proxecto 2015 00088). Esta cantidade representa o 100 % do orzamento do proxecto.

Polo exposto, considérase xustificada a utilización do instrumento convencional para articular as actuacións de referencia, quedando o dito convenio fóra do ámbito de aplicación da Lei 9/2017, de 8 de novembro, de contratos do sector público, pola que se traspoñen ao ordenamento xurídico español as directivas do Parlamento Europeo e do Consello 2014/23/UE e 2014/24/UE, do 26 de febreiro de 2014 con independencia de que, ao abeiro do previsto no artigo 4 da dita norma, lle sexan de aplicación os principios desta lei para resolver as dúbidas e lagoas que se poidan presentar.

Santiago de Compostela, data da sinatura dixital

O secretario xeral técnico

Francisco Javier Abad Pardo

